

ISUMAQATIGIISSUMMUT TAPILIUSSAQ 2020

Savalimmiut Naalakkersuisuisa aamma Kalaallit Nunaanni Namminersorlutik Oqartussat akornanni aalisarneq pillugu isumaqatigiissutaannut 27. maj 1997-imeersumut

1. Suluppaagaq¹

2020-mi siunissamilu Irminghavet-mi imartanilu qanittuaniittuni suluppaakkanut ikerinnarsiortunut tunngatillugu aqutsineq pillugu isumaqatigiissummut NEAFC-mi ilaasortat tamarmik ilanngutsinnissaat iluatsissimangitsaq ilaasortat ernumassutigalugu oqaatigaat. Sivisuumik attanneqarsinnaasumik aaqqiinerit, tassa ilaasortat tamarmik aalisarnermut peqataasut aqutsinissamut pilersaarummut ataatsimoorussamut ilanngunnissaat ilaasortat ataatsimoorlutik anguniarusuppaat.

2. Ammassassuaq Atlanto-skandisk

Ammassassuarnik Atlanto-skandiskinik Savalimmiut 2020-mut pisassiissutaanni Kalaallit Nunaat 3200 tonsinik pissarsivoq. Aalisakkallu taakku, tamanna kissaatigineqassappat, Savalimmiut aalisarsinnaatitaaffiini kalaallit aalisarsinnaassavaat Savalimmiunullu tulaallugit. Savalimmiut imartaani aalisarneq titarnerniit tunngavinniit 12 sòmilit avataannut 62°30'N-illu avataanut killilerneqarpoq. Pisassiissutit nunat tamalaat imartaanni kalaallit angallataannit aamma aalisarneqarsinnaapput.

3. Saarullernaq

Savalimmiut Kalaallit Nunaata 2020-mi Savalimmiut imartaani saarullernanik 13.500 tonsinik aalisarsinnaanissaanut piginnaatippaa.

3.1 Savalimmiut killeqarfiani saarullernanik Kalaallit Nunaata aalisarsinnaanera

NEAFC-p 2020-mut saarullernanut tunngatillugu malittarisassiai innersuussutigalugit, Savalimmiut kalaallit angallataasa 2020-mi Savalimmiut imartaani saarullernanik 6.290 tonsinik aalisarsinnaanerannik piginnaatitsivoq.

Savalimmiut imartami aalisarnikkut oqartussaaffigisaani saarullernat NEAFC-mi pisassiissutigineqartut kalaallit umiarsuaannit aalisarneqarpata, tamanna Savalimmiut Aalisarnermut Nakkutilliiviannut aamma Kalaallit Nunaanni Aalisarsinnaanermut Akuersissutininik Nakkutilliisoqarfimmud pisanik nalunaaruteqarnermi immikkut ittumik ilisimatitsissutigineqassaaq.

4. Isumaqatigiissuteqartut imartani aalisarnikkut oqartussaaffigisaminni illugiillutik misileraalluni aalisarnerat

Isumaqatigiissuteqartut akunnerminni imartami aalisarnikkut oqartussaaffigisaminni misileraallutik aalisarsinnaanertik isumaqatigiissutigaat.

Misileraalluni aalisarnissat aaqqissuunneqartut aalajangersimaqqissaartut pisassiissutininik paarlaannertut taaneqassanngitsut isumaqatigiissuteqartut isumaqatigiissutigaaq. Taamaalilluni aaqqissuussinerit siunissami pisassiissutininik paarlaasseqatigiittarnissamik isumaqatigiissutininik tunngavissanik pilersitsissanngitsut piumasaqaatigineqarpoq.

¹ "Shallow pelagic *Sebastes Mentella*" aamma "Deep pelagic *Sebastes Mentella*".

Savalimmiuni Naalackersuisut aalisarsinnaanermut akuersissutinik nakkutilliisoqarsinnaanermut aamma Kalaallit Nunaanni Naalackersuisut paasisutissanik katersinissamut piumasaqarsinnaanermut imminnut pisinnaatipput. Misileraalluni aalisarnermit paasisutissanik katersineq angallatinit imaluunniit aalisarsinnaanermut akuersissutinik nakkutilliisunit suliarineqassapput. Paasisutissanik katersorneqartunik taama tulleriisillugit Savalimmiuni Naalackersut aamma Kalaallit Nunaanni Naalackersuisut akornanni paarlaasseqatigiittoqartassaaq.

Misileraalluni saarullinnik aalisarnermut tunngatillugu paasisutissat ilanngussaq 3 naapertorlugu Pinngortitaleriffimmut nassiunneqartassapput.

Angallatit allattaaviani paasisutissat kiisalu misileraalluni aalisarnermit nalunaarusiat misileraalluni aalisarnerup qaangiunnerani taama tulleriisillugit Savalimmiuni Naalackersuisunut aamma Kalaallit Nunaanni Naalackersuisunut nassiunneqassapput.

4.1 Kalaallit Nunaata imartami aalisarnikkut oqartussaaffigisaani Savalimmiormiut aalisarnerat
Savalimmiormiut Kalaallit Nunaata avannaata kitaata avataani qaleralinnik 100 tonsinik aalisarnissaannik Kalaallit Nunaata pisinnaatippai.² Kilisaatersorluni aamma/imaluunniit ningittakkanik aalisartoqarsinnaavoq. Aalisarneq Kalaallit Nunaata kitaani 68°00'N-ip avannaani pisussanngorlugu killilerneqarpoq.

Savalimmiormiut Kalaallit Nunaata kangiata avataani qaleralinnik 225 tonsinik, saarullinnik 350 tonsinik tunguttuunillu 100 tonsinik aalisarnissaannik Kalaallit Nunaata pisinnaatippai. Aalisarneq taanna savalimmiormiut kilisaataannit aamma/imaluunniit ningittagarsuutaannit amerlanerpaamik pingasuusunit ingerlanneqarsinnaavoq.

Savalimmiormiut Kalaallit Nunaata kangiani saarullinnik 1.150 tonsinik aamma tinguttuunik 375 tonsinik aalisarnissaannik Kalaallit Nunaata pisinnaatippai³.

Tamatuma saniatigut Savalimmiormiut Kalaallit Nunaata kangiani misileraalluni saattussanik aalisarnissaanut Kalaallit Nunaata pisinnaatippai. Saattussat annertunerpaamik 500 tonsit pisarineqaqqusaapput.

5. NAFO-mi sumiiffimmi 3M-imi (Flemish Cap) raajat

Sumiiffimmi 3M-imi raajarniarneq 2020-imi ammaqqissasoq isumaqatigiissuteqartut paasisimavaat. Isumaqatigiissuteqartut aalisarnissamut periarfissat illugiilluni atorneqarnissaat pillugit oqallinnerup nangeqqinnissaanut piareersimapput, taannalu tullinnguuttumi nassuiarneqarpoq:

”Savalimmiormiut pisariaqartitsilissagunik Flemish Capimi ullunik aalisarfiusussanik taarsigassarsiumasinnaanerannut Kalaallit Nunaat piareersimassaaq. Savalimmiut nammineerlutik Savalimmiuni aalisakkanik aalisanngisaminnik Kalaallit Nunaata atorluaasinnaaneranut ammaniarpoq.

Ullunik aalisarfiusunik atukkiineq siunissami ullunik aalisarfiusussanik agguaassinissamut sunniuteqassanngilaq..”

² Kalaallit Nunaata kitaani Savalimmiormiut qaleralinniarnissaannut piumasaqaatit ilanngussami 3-mi nassuiarneqarput

³ Kalaallit Nunaata kujataani kangianilu Savalimmiormiut saarullinniarnissaannut piumasaqaatit ilanngussami 3-mi nassuiarneqarput

6. Savalimmiut Kalaallit Nunaata imartaani ammassanniarnarat

Kalaallit Nunaat ammassannik sippoqassagaluarpat, Savalimmiut Umiarsuaatileqatigiiffiisa peqatigiiffiat iluanaaruteqarluni nuussisinnaaneq pillugu ilisimatinneqassaaq.

Savalimmiut Islandip imartaani ammassattassaasa 50 %-ii Kalaallit Nunaata imartaani aalisarsinnaavaat. Aalisariutit sapaatit akunneranut nalunaarutaanni (pisanik nalunaaruteqarneq) allassimassapput aalisarnermi pisat EU-mik isumaqatigiissummeersuunersut, Islandimut pisassiissutaanersut pisassatut pisaaanersulluunniit.

7. Kalaallit Nunaata sineriaata qanittuani tunisineq

Kalaallit Nunaata sineriaata qanittuani saarullinniarnermi pisat nunami aalisakkeriviit malinnaasinnaajunnaartillugit amerlavallaalerpata, umiarsuit aalisakkerivillit Savalimmiuneersut tunitsiviliumneqarsinnaapput.

Taassuma saniatigut Kalaallit Nunaata misissussavaa Savalimmiut aalisariutaat Tunumi aalisakkerivinnut tunisisinnaanersut.

8. Irmingerip Imartaani suluppaakkat amerlassusaannik naatsorsuinerit.

Isumaqatigiissuteqartut Irmingerip Imartaani suluppaakkat amerlassusaannik nunat tamalaat naatsorsuinerannut peqataaqatigiinniarnissaq anguniassallugu isumaqatigiissutigaat. Isumaqatigiissuteqartut aalisakkat pillugit misissuineranut allanut siuarsaanissamut suleqatigiissapput.

9. Pisat pillugit paasissutisseeqatigiittarneq

Kalaallit Nunaanni Aalisarsinnaanermut Akuersissutinik Nakkutilliisoqarfik Savalimmiunilu Aalisarsinnaanermut Akuersissutinik Nakkutilliisoqarfik Kalaallit Nunaata Savalimmiullu imartaanni pisassiissutinit siuliani taaneqartunit pisat pillugit imminnut ilisimatittarnissamut pisussaaffeqarput. Tamanna atuupportaaq Kalaallit Nunaat sumiissuseq apeqquaatinnagu ammassassuarnik atlanto-skandiskinik pisaqarpat. Nalunaarutit marlungornerit tamaasa sumiiffimmi nalunaaqutaq malillugu kingusinnerpaamik nal. 16.00 nassiunneqartassapput.

Kalaallit Nunaata aalisariutai aalisakkanik qerisunik Kitaani pisanik Savalimmiuni nuussiniarunik usingiarniarunilluunniit, tamanna pillugu sioqutsilluni nalunaaruteqaaqassaaq.

Isumaqatigiissuteqartut 2020-imi misiligutitut allat immikkoortuini pisat aalisarnerillu pillugit paasissutissat elektroniskiusunik paarlaasseqatigiittassapput. Qarasaasiatigut (elektronisk) nalunaaruteqartarnissamut isumaqatigiissusiornissamut atatillugu 2020-ip ingerlanerani Kalaallit Nunaanni Savalimmiunilu oqartussat eqqortut oqaloqatigiissasut isumaqatigiissuteqartut isumaqatigiissutigaat.

10. Nunat immikkoortuini aalisartut kattuffiisa suleqateqatigineqarnerat

Isumaqatigiissuteqartut isumaqatigiissutigaat nunat immikkoortuini aalisartut kattuffii immikkut sinniisoqartinneqarnissaat sulissutigissallugu.

11. Suleqatigiinneq

Isumaqatigiissuteqartut isumaqatigiissutigaat nunat taakku marluk aalisarnermut suliffeqarfiisa akornanni iluanaaruteqarnerulernissamut suleqatigiilernissaannut kaammattussallugit. Tassunga atatillugu isumaqatigiissuteqartut isumaqatigiissutigaat suleqatigiinnerup allartinninnerani aalisarsinnaanermullu akuersissutit tunniutinninnerini oqaloqatigeeqqaassallutik.

12. Isumaqatiginninniarnep tullissaa

Isumaqatigiissuteqartut isumaqatigiissutigaat nunat illugiillutik isumaqatiginninniarnepit tullinnguuttut december 2020-p aallartisimalaarnepi pissasut. Piffissaq sumiiffillu kingusinnerusukkut isumaqatigiissutigineqarumaarput. Savalimmiut isumaqatiginninniarnepi aqutsisoorusupput:

13. Akuersineq

Isumaqatiginninniarnepi angusat oqartussanut pineqartunut saqqummiunneqassapput taakkulu inaarutaasumik akuersissuteqarnissaat apeqqutaassallutik.

København, 29 november 2019

Kalaallit Nunaat

Savalimmiut

Emanuel Rosing
Immikkoortortami pisortaq
Aalisarnermut Piniarnermut Nunalerinermullu
Naalakkersuisoqarfik

Andras Kristiansen
Immikkoortortami pisortaq
Fiskeriministeriet

Namminersorlutik Oqartussat

Savalimmiuni naalakkersuisut

Ilanngussaq 1 Savalimmiut Naalakkersuisuisa aamma Kalaallit Nunaanni Namminersorlutik Oqartussat akornanni aalisarneq pillugu isumaqatigiissutaannut 27. maj 1997-imeersumut tapiliusseq 2020-imeersoq

OQALUUSERISASSAT

**Kalaallit Nunaata Savalimmiullu
aalisarneq pillugu 2020-mut isumaqatigiissummut tapiliusseq pillugu
ataatsimiinnerat**

*Den Nordatlantiske Brygge
Strandgade 91, 1401 København K
28 – 29 november 2019*

1. Tikilluaqqusineq
2. Oqaluuserisassat akuerineqarnerat
3. 2019-imi aalisarneq pillug oqallinneq
4. Uumassusilerituut siunnersuinerat
5. Aalisarnermut maleruagassat nutaat pillugit paasissutissat
6. Apeqqutit aqutsinissamut nakkutilliinissamullu tunngasut
7. 2020-mut pisassiissutininik paarlaasseqatigiinneq
8. Aalisakkanik ataatsimoorussanik aqutsinerit
9. Nunap sumiiffiini aqutsinissamut kattuffiit suleqatigiinnerat
10. Tamalaat

Ilanngussaq 3 Savalimmiut Naalakkersuisuisa aamma Kalaallit Nunaanni Namminersorlutik Oqartussat akornanni aalisarneq pillugu isumaqatigiissummut 27. maj 1997-imeersumut tapiliussaq 2020-imeersoq

Kitaani qaleralinniarnermut piumasqaatit

Aalisarnermi misiligutitik tiguisarnissaq piumasqaataavoq. Sapaatip akunneranut marloriarluni qalerallit 150-it uuttorneqartassapput.

Paasissutissat Pinngortitaleriffimmut nassiunneqassapput, Postboks 570, 3900 Nuuk, Grønland, Uunga Rasmus Nygaard imaluunniit qarasaasiatigut rany@natur.gl

Kalaallit Nunaata Kujataata Kangiatalu imartaanni 2020-imi saarullinniarmit piumasqaatit

Aalisarnermi misiligutitik tiguisarnissaq piumasqaataavoq. Sapaatip akunneranut marloriarluni qalerallit 150-it uuttorneqartassapput tassungalu atatillugu, sissiat 20-it tiguneqassapput, takissuseq, oqimaassuseq suaassuserlu ilanngullugit.

Paasissutissat Pinngortitaleriffimmut nassiunneqassapput, Postboks 570, 3900 Nuuk, Grønland, Uunga Anja Retzel, imaluunniit qarasaasiatigut uunga anre@natur.gl

Aalisarneq aqutsiveqarfimmi 403-imi aamma aqutsiveqarfimmi 404-imi ingerlanneqassaaq. Kleine Bankep eqqaani 1. martsimiit 31. majimut aalisarneq matoqqassaaq.

Takussutissiaq: Aqutsiveqarfiit tak. Kujataani Tunumilu saarullinnik aqutsinissamut pilersaarut

